



UNIVERSITÄTS-  
BIBLIOTHEK  
PADERBORN

# Horologium Spirituale Scholasticorum Societatis Jesu

Dirckinck, Johann

[Osnabrugi, 1696

Vespertinas.

---

---

**Nutzungsbedingungen**

[urn:nbn:de:hbz:466:1-55025](https://nbn-resolving.org/urn:nbn:de:hbz:466:1-55025)



piendus. Eâ itaque spe roboratus, denuò seriò propono, me commissa peccata emendaturum, idq; firmiter, ut nulla vel humanæ, quantacunque felicitatis, vel proprię mortis conditione propofitâ, ullam unquam, licet venialem culpam, admittere decernam. O Spiritus Sancte, Spiritus fortitudinis, qui fragilitatem meam nosti, conforta me, & septenis donis tuis ita me corrobora, ut gratia tua nunquam excidam. Amen.

*Deniq; pro quotidianis defectibus, aliquam tibi, quam statim exsolvas, pœnitentiam injungas, ut si aliquem tibi dolorem infligeres, aut preculam aliquam recitares. Quando autem culpa aut defectus gravior occurrerit, non sufficit eum communi pœnâ mulctare, sed extraordinariâ reprehensione & condignâ castigatione punire convenit. Deniq; terminatur examen, oratione Dominica. P. Jac. Alvarez tom. 2. lib. 3. c. 9.*

## P R A X I S

*Deo, Divisq; sub noctem se piè commendandi.*

## I. Ad DEUM PATREM.

**M**Ane nobiscum Domine quoniam advesperascis, custodi me ut pupillam oculi tui, & sub umbra alarum tuarum protege me, ne unquam obdormiam in morte & gratiâ tua excidam. Salva nos Domine vigilantes, custodi nos dormientes, ut vigilemus cum Christo & requiescamus in pace.

## II. Ad CHRISTUM DOMINUM.

**I**N vulnera tua, mi Jesu, me meos & omnia mea commendo. Quidquid hodie à me & toto orbe terrarum factum est boni & hac nocte fiet, millies augere exopto. Quidquid hodie peractum est mali & hac nocte fiet, vel sanguinis profusione im-

pedi-



pedire desidero. Tibi vigilo mi Iesu, tibi dormio, tibi vivo, tibi morior.

*III. Ad SPIRITUM SANCTUM.*

**O** Spiritus sanctissime! omnia nocturna phantasmata, somnia & vitiorum irritamenta, contra voluntatem meam esse ac fore protestor: dignare sub alas protectionis tuæ suscipere, ut in te securè vivere, in te centro cordis mei requiescere valeam.

*IV. Ad Beatissimam VIRGINEM.*

**P**ermitte, obsecro, Mater amantissima, sub pallii tui cœlestis umbra & protectione securè quiescere, Deumq; meum, etiam dormiendo secundum voluntatem ejus laudare. Maria Mater gratiæ, Mater misericordiæ, tu nos ab hoste protege & mortis horâ suscipe!

*V. Ad S. ANGELUM CUSTODEM.*

**A**ngele mi Custos fidelissime, qui me dormiente vigilas, totaq; nocte mihi assistere non dedignaris: advigila obsecro ad me, meos, totamque domum hanc, ac Dæmonis insidias ab ea repelle, meo loco, assidue Deum lauda, & ad laudes ejus, cras statuto tempore resumendas me excitare dignare.

*VI. Ad SS. PATRONOS.*

**O** Sancti Patroni mei NN. me quiescentem protegite, vicésq; meas in laudando Domino Deo nostro supplete, misericordias ejus hac nocte & in æternum cantantes. Impetrate mihi quoq; gratiam, in gratia ejus semper vivendi & moriendi, ac gloria ejus æternum perfruendi. Amē.

*Praxis piè incumbendi.*

**I. Cubiculum ingressus te & lectum aquâ lu-**  
stra-